

اتوار 7 جولائی، 2019ء

مضمون۔ رب

سنہری مستن: زبور 18: 32 آیت

”رب ای مینوں طاقت نال کمر بستہ کردا اے تے میری راہ نوں کامل کردا اے۔“

جوابی پڑھائی: زبور 62: 1، 2، 7، 8، 11، 12 آیتاں

- 1- میری جان نوں رب دی آس ای اے۔ میری مکتی اوہدے نال ای اے۔
- 2- اوہ کلاہ ای میری چٹان تے میری مکتی اے۔ اوہ ای میرا اچا برج اے۔ مینوں بوہتی جنبش نہ ہووے گی۔
- 7- میری مکتی تے میری طاقت رب ولوں اے۔ رب ای میری قوت دی چٹان تے میری پناہ اے۔
- 8- اے لو کو! ہر ویلے اوہدے اُتے بھروسہ رکھو۔ اپنے دل دا حال اوہدے سامنے کھول دیو۔ رب ساڈی پناہ گاہ اے۔
- 11- رب نے اک واری آکھیا میں دو واری سنیا پئی قدرت رب دی اے۔

12- شفقت وی اے رباتیری ای اے کیوں جے توں ہر بندے نوں اوہدے کم دے مطابق بدلہ دیندائیں۔

درسی وعظ

بائبل وچوں

1- پیدائش 21 باب 22 آیت (رب)

22- ہر کم وچ جیہڑا توں کردائیں رب تیرے نال اے۔

2- خروج 12 باب 43 (توں پہلا)، 51 آیتاں

43- فیر رب نے موسیٰ تے ہارون نوں آکھیا پئی فسخ دی رسم ایہہ اے پئی کوئی بیگانہ اوہنوں نہ کھاوے۔

51- تے عین او سے دن رب بنی اسرائیل دے سارے جتھیاں نوں مصدرے ملک وچوں کڈھ لیاوے گا۔

3- خروج 13 باب 3 (توں) آیت

3- تے موسیٰ نے لوکاں نوں آکھیا پئی تسی ایس دن نوں یاد رکھیو جیدے وچ تسی مصر توں جیہڑا غلامی دا گھراے نکلے کیوں جے رب اپنی بانہہ دے زور نال تہانوں او ہتھوں کڈھ لیا یا۔

4- 78 زبور: 1، 4، 7، 12، 16، 24، 25 آیتاں

- 1- اے میرے لوکو! میری شریعت نوں سنو۔ میرے منہ دیاں گلاں اُتے کن دھرو۔
- 4- تے جنماں نوں اسی اپنی اولاد توں لکو کے نہیں رکھاں گے۔ بلکہ آؤن والی پیڑی نوں وی رب دی تعریف تے اوہدی قدرت تے عجیب کم جیہڑے اوہنے کیتے دساں گے۔
- 5- کیوں جے اوہنے یعقوب وچ اک گواہی قائم کیتی تے اسرائیل وچ شریعت مقرر کیتی جنماں دے بارے اوہنے ساڈے پیو دادے نوں حکم دتا۔ پئی اوہ ساڈی اولاد نوں تعلیم دین۔
- 6- تاں جو آؤن والی پیڑی یعنی اوہ پتر جیہڑے جمن گے، اوہناں نوں جان لین تے اوہ وڈھے ہو کے اپنی اولاد نوں ایہہ سکھاؤن۔
- 7- پئی اوہ رب اُتے آس رکھن تے اوہدے کماں نوں بھٹل نہ جان بلکہ اوہدے حکماں اُتے عمل کرن۔
- 12- اوہنے مصر دے ملک وچ ضعن دے علاقے وچ اوہناں دے پیو دادے دے سامنے عجیب و غریب کم کیتے۔

- 13- اوہنے سمندر دے دوٹوٹے کر کے اوہناں نوں وچوں پار گنگایا۔ تے پانی نوں کند وانگر کھڑا کر دتا۔
- 14- اوہنے دن ویلے بدل نال اوہناں دی راہبری کیتی تے رات نوں اگ دی لوناں۔
- 15- اوہنے بیابان وچ چٹاناں نوں چیریا تے اوہناں نوں سمندر وچوں بوہت پلایا۔
- 16- اوہنے چٹاناں وچوں ندیاں وگایاں۔ تے دریاں نوں وانگر پانی وگایا۔
- 24- تے کھان لئی اوہناں اُتے من ورھایا تے اوہناں نوں اسمانی خوراک دتی۔
- 25- انسان نے فرشتیاں دی خوراک کھادی اوہنے کھانا گھل کے اوہناں نوں رجھایا۔

5- 2 سیموئیل 22 باب 7 (توں دوسرا)، 20، 29 توں 31 آیتاں

- 7- اپنی مصیبت وچ میں رب نوں پکاریا۔ میں اپنے رب دے سامنے چلایا۔ اوہنے اپنی ہیکل وچوں میری آواز سنی تے میری فریاد اوہدے کن وچ اڑی۔
- 20- اوہ مینوں کھلی تھاں وچ کڈھ لایا۔ اوہنے مینوں چھڑایا۔ ایس لئی پئی اوہ میتھوں خوش سی۔
- 29- کیوں جے اے رباتو میرا دیوا ایس تے رب میرے، ہنیرے نوں لو کر دیوے گا۔
- 30- کیوں جے میں تیرے راہیں فوج اُتے دھاوا کر داواں تے اپنے رب دے راہیں کندھ پیدا جانداواں۔
- 31- پر رب دی راہ کامل اے۔ رب دا کلام تپایا ہوئی اے۔ اوہ اوہناں ساریاں دی سپر اے جیہڑے اوہدے اُتے بھروسہ کر دے نیں۔

6- متی 4 باب 23 آیت

23- تے یسوع سارے گلیل وچ پھر دارہیاتے اوہناں دے عبادتخانے وچ تعلیم دیندا تے بادشاہی دی خوشخبری دی منادی کرداتے لوکاں دی ہر طراں دی بیماری تے ہر طراں دی کمزوری نوں دور کردارہیا۔

7- متی 12 باب 22 توں 28 آیتاں

22- اوس ویلے لوکی اوہدے کال اک انھے گنگے نوں لیائے جیدے وچ بدروح سی۔ اوہنے اوہنوں چنگا کردتا، ایس طرح گنگا بولن تے ویکھن لگ گیا۔

23- تے سارا جتھا حیران ہو کے آکھن لگ گیا پئی ایہہ داؤد اپترے؟

24- فریسیاں نے سُن کے آکھیا پئی ایہہ بدروحوں دے سردار بعلزبول دی مدد توں بغیر بدروحوں نوں نہیں کڈھدا۔

25- اوہنے اوہناں دے خیالاں نوں جان کے اوہنوں آکھیا جیس بادشائی وچ پھٹ پیندی اے اوہ ویران ہو جاندی اے تے جیس شہر یا گھر وچ پھٹ پوے گی اوہ قائم نہ رہوے گا۔

26- تے جے شیطان نے ای شیطان نوں کڈھیا تے اوہ آپ اپنا مخالف ہو گیا۔ فیر اوہدی بادشاہی کیوں قائم رہوے گی؟

27- تے جے میں بعلزبول دی مدد نال بدروحوں نوں کڈھداں تے تہاڈے پتر کیدی مدد نال کڈھدے نہیں؟ ایس لئی اوہ ای تہاڈے منصف ہوون گے۔

بائبل دا ایہ سبق پلین فیلڈ کرچن پرچ، آزادولوں تیار ہو یا اے۔ ایہ کنگ جیمز بائبل دیاں آیتاں تے میسری سیکر ایڈی دی لکھی ہوئی کرچن سانس دی درسی کتاب، ”انس تے صحت آیتاں دی کنجی دے نال“ وچوں لیاں ہوئیاں لازمی تھریاں نال بنیاں۔

28- پر جے میں رب دے روح دی مدد نال روحاں نوں کڈھداواں تے رب دی بادشاہی تہاڈے کول اپڑ گئی
اے۔

8- لوقا 11 باب 1 توں 4، 9 توں 12، 13 آیتاں (کنسے)

- 1- فیرا بیج ہو یا پئی اوہ کسے تھاں تے دعا کر رہی سی۔ جدوں کر لئی تے اوہدے چلیاں وچوں اک نے اوہنوں
آکھیا اے ربا جیویں یوحنا نے اپنے چیلیاں نوں دعا کرنا سکھایا توں وی ساہنوں سکھا۔
- 2- اوہنے اوہناں نوں آکھیا پئی جدوں تسی دعا کرو تے آکھو پئی اے ساڈے رب تیرا نام پاک نیا جاوے۔
تیری بادشاہی آوے۔
- 3- ساڈی روز دی روٹی ہر روز ساہنوں اج دے۔
- 4- تے ساڈے پاپ ساہنوں معاف کر کیوں جے اسی اپنے قصور واراں نوں معاف کر دے آں تے ساہنوں
آزمائش وچ نہ لیا۔
- 9- ایس لئی میں تہانوں آکھدا آں پئی منگو تے تہانوں دتا جاوے گا۔ لبھو گے تے پاؤ گے۔ بوہا کھڑکاؤ گے تے
تہاڈے لئی کھولیا جاوے گا۔
- 10- کیوں جے جیہڑا وی منگدا اے اوہنوں ملدا اے تے جیہڑا لبھدا اے اوہ پاؤندا اے جیہڑا کھڑکاؤندا اے
اوہدے لئی کھولیا جاوے گا۔
- 11- تہاڈے وچوں اجیہا کیہڑا پیو اے جدوں اوہدا پتر روٹی منگے تے اوہنوں پتھر دیوے؟ یا مچھلی منگے تے
اُوہنوں مچھلی دی تھاں سب دیوے؟

12- یا آئندہ منگے تے اوہنوں سبجھو دیوے؟

13- تے اسمانی پیو اپنے منگن والیاں نوں پاک روح کیوں نہ دیوے گا؟

9- رومیوں 8 باب 28، 31، 35، 37 توں 39 (توں چوتھا) آیتاں

28- تے ساہنوں پتا اے پئی ساریاں شیواں مل کے رب نال پیار کرن والیاں لئی بھلیائی پیدا کر دیاں نیں یعنی اوہناں لئی جیہڑا رب دے ارادے دے مطابق بلائے گئے۔

31- ایس لئی اسی ایہناں گلاں دے بارے کیہ آکھے؟ جے رب ساڈے ول اے کون ساڈے خلاف اے؟

35- کون ساہنوں مسیح دے پیار توں دکھ کرے گا؟ مصیبت یا تنگی یا ظلم یا کال یا ننگا پن یا خطرہ یا تلوار؟

37- پر ایہناں ساریاں حالتاں وچ اوہدے راہیں جنہے ساڈے نال پیار کیتا ساہنوں فتح توں وی ودھ غلبہ حاصل ہو گیا اے۔

38- کیوں جے مینوں یقین اے پئی رب داپیار ساڈے رب یسوع مسیح وچ اے اوہدے توں ساہنوں نہ موت دکھ کر کے گی نہ حیاتی۔

39- نہ فرشتے نہ حکومتاں۔ نہ ہن دیاں نہ آؤن والیاں۔ نہ قدرت نہ اُچھائی نہ پستی نہ کوئی ہو ر مخلوق۔

سائنس تے صحت

1- 11:330 (رب)-12

رب لا تنہای کلاہ حیاتی، مواد، روح یا جند، انسان نون شامل کر کے کائنات دی کلی ذہانت اے۔

2- 25:336 (رب)-26، 30-31

رب انسان داللی اصول، تے رب دی شبیہ اُتے بنیا انسان غیر منفک، ہم آہنگ تے ابدی نیں۔۔۔ رب ولدیت دی سیان اے تے انسان رب دی روحانی اولاد اے۔

3- 4:332 (پہ)-8

الوہیت لئی مادر پدر نام اے، جیہڑا اوہدی روحانی مخلوق دے نال اوہدے پیارے رشتے ول اشارہ کردا اے۔ جیویں پئی رسول نے ایہناں لفظاں وچ ایہہ ظاہر کیتا جنہاں نون اک چنگے شاعر دی منظوری نال لیا گیا ہووے: ”ایس لئی پئی اسی وی اوہدی اولاد آں“۔

4- 14-494:10

بائبل دا ایہ سبق پلین فیلڈ کرچن پرچ، آزادولوں تیار ہو یا اے۔ ایہ کنگ جیمز بائبل دیاں آیتاں تے میسری سیکر ایڈی دی لکھی ہوئی کرچن سانس دی درسی کتاب، ”انس تے صحت آیتاں دی کنجی دے نال“ وچوں لیاں ہوئیاں لازمی تھیریاں نال بنیا اے۔

الہی پیار نے ہمیشہ انسان دی لوڑنوں پورا کیتا اے تے ہمیشہ پورا کرے گی۔ ایس گل دا تصور کرنا ٹھیک نہیں پئی یسوع نے بس کجھ خاص تعداد وچ یا تھوڑے جیسے ویلے تیکر شفا دین لئی الہی طاقت دا مظاہرہ کیتا، کیوں جے الہی پیار سارے لوکاں لئی ہر ویلے سب کجھ دیندی اے۔

5- 9-139:4

شروع توں اخیر تیکر، سارا کلام پاک مادے اُتے روح، سیان دی فتح دے واقعاں نال بھریا ہویا اے۔ موسیٰ نے سیان دی طاقت نوں ایہدے راہیں ثابت کیتا جنہوں انسان معجزے آکھدا اے؛ ایسے طراں یسوع، ایلیاتے الیشع نے وی کیتا۔ مسیحی دورنوں علامتاں تے عجیب کماں دی مدد نال ودھایا گیا۔

6- 8-134:31

اک معجزہ رب دے قانون نوں پورا کر دالے، پر اوس قانون نوں توڑ دانیس۔ ایہہ اصلیت آپ معجزے دی نسبت پُر اسرار لگدی اے۔ زبور لکھن والے نے ایہہ گایا: ”اے سمندر تینوں کیہ ہوئی پئی توں نس دا ایس؟ اے یردن! تینوں کیہ ہوئی پئی توں بچھاں ہٹدا ایس؟ اے پہاڑو! تہانوں کیہ ہوئی پئی تسی مینڈھیاں وانگر پڑکدے او؟ اے پہاڑیو! تہانوں کیہ ہوئی پئی تسی بھید دے بالاں وانگر اچھل دیاں او؟ اے دھرتی توں رب دے سامنے، یعقوب دے رب دے سامنے

کب۔“ ایہہ معجزہ کوئی مخالفت پیش نہیں کردا، بلکہ رب دے نابدلن والے قانون دی سائنس نوں قائم کر دیاں ہوئے بنیادی ترتیب نوں واضح کر دالے۔

7- 20-135:11

جیہڑی قوت پاپ توں شفا دیندی اے اوہ ای بیماری توں شفا دیندی اے۔ ایہہ ”پاکیزگی دی خوبصورتی“ اے، پئی جدوں سچائی بیماری توں شفا دیندی اے، بدروحاں نوں کڈھدی اے، تے جدوں سچائی اوس بدی نوں کڈھدی اے جنہوں بیماری آکھیا جاندا اے، تے ایہہ بیماری توں شفا دیندی اے۔ جدوں مسیح نے کنگے بولے شیطان نوں کڈھیا، ”تے اتج ہو نیا پئی جدوں شیطان نکل گیا تے کنگا بولن لگ گیا۔“ ارج وی اسرائیل دے خالف مخالفت نوں دوہراؤندیاں ہوئے تے ایہہ پچھدیاں ہوئے محدود کرن دے عمل نوں دوہرایا جاندا اے پئی، ”کیہ رب بیابان وچ میز وچھا سکدا اے؟“
رب کیہ نہیں کر سکدا؟

8- 32-27:371

دوڑ نوں تیز کرن دی لوڑ ایس اصلیت دی پیو اے پئی سیان ایہہ کر سکدی اے؛ کیوں جے سیان گند دی بجائے صفائی، کمزوری دی بجائے طاقت، تے بیماری دی بجائے تندرستی دیندی اے۔ ایہہ پورے نظام وچ بدلن دے قابل اے، تے ایہنوں ’ہر ذرے تیکر‘ بنا سکدی اے۔

9- 22:62-24(توں؛)

الہی سیان، جیہڑی ڈوڈی نوں کھڑاؤندی اے، اوہ ایسے طراں انسان دے بدن دی فکر کرے گی جیویں اوہ سوسن دے پودیاں نوں کپڑے پاؤندی اے۔

10- 8:393-15

سیان بدنی حساں دی مالک اے، تے بیماری، پاپ تے موت نوں فتح کر سکدی اے۔ ایس رب دے دتے ہوئے اختیار دی مشق کرو۔ اپنے بدن دی ملکیت رکھو، تے ایہدے احساس تے عمل اُتے حکمرانی کرو۔ روح دی قوت وچ جاگوتے اوہ سب کجھ جیہڑا چنگیائی ورگانئیں اوہنوں رد کر دیو۔ رب نے انسان نوں ایس قابل بنایا اے، تے کوئی وی شے ایس قابل تے طاقت نوں وگاڑنئیں سکتی جیہڑی الہی طور تے انسان نوں دتی گئی اے۔

11- 1:1-4، 10-14

اوہ دعا جیہڑی پاپی نوں ٹھیک کر دی اے تے بیمار نوں ٹھیک کر دی اے اوہ پورے طور تے ایہہ ایمان اے پئی رب لئی سب کجھ ممکن اے، جیہڑی اوہدے بارے اک روحانی سمجھ، اک بے غرض پیار اے۔

نہ آکھے ہوئے خیال الہی سیان لئی انجان نئیں۔ تاہنگ دعائے؛ تے ساڈیاں خواہشاں لئی رب اُتے بھروسہ کرن نال
کوئی نقصان نئیں ہندا، پئی وہ لفظ بن تے عمل وچ آؤن توں پہلاں بن گئے تے مشہور کیتے جا چکے نئیں۔

12- 2:15-2

دعا ہستی دی سائنس نوں نئیں بدل سکدی، پر ایہہ ساہنوں ایہدے نال ہم آہنگ کرن دارحجان رکھدی اے۔ بھلیائی
سچائی دا ظاہر حاصل کردی اے۔ رب ساہنوں مکتی دیوے گا ایہہ منتدای اوہ سب کجھ نئیں اے جیدی ساہنوں لوڑ
اے۔ الہی سیان توں منتد کرن دی بس عادت، جیویں پئی کوئی بندہ انسان ہندییاں ہوئے امتد کردا اے، انسانی حداں
وچ رب اُتے بھروسہ رکھنا جاری رکھدا اے، جیہڑی اک اجیہی غلطی اے جیدی نال روحانی ترقی روکاوٹ دا شکار ہندی
اے۔

رب پیار اے۔ کیہ اسی ایہدے توں بوہتی اوہدے توں امید کر سکدے آں؟ رب ذہانت اے۔ کیہ اسی لامتناہی
سیان نوں ایہہ دس سکدے آں جو اوہ پہلاں توں جان دا ہووے؟ کیہ اسی کاملیت نوں بدلن دی امید کردے آں؟ کیہ
ساہنوں کسے فوارے دے سامنے منتد کرنی چاہیدی اے جیہڑا ساڈی امید توں بوہتا پانی دے رہیا ہووے؟ نہ آکھی ہوئی
تاہنگ ساہنوں ساری وجودیت تے فضل دے منبع دے ہو رنیڑے لے جاندی اے۔

رب دے اگے رب بن دی منتد کرنا فضول دی بحث اے۔ رب ”کل تے اج بلکہ ہمیشہ تیکر ا کو جیہا اے“، تے اوہ
جیہڑا نہ بدلن والا چنگا اے اوہ اوہدی طاقت دی یاد دہانی دے بغیر ای سب کجھ چنگا کرے گا۔

13- 15-16:20

بس جدوں اسی ساری مادی جذبیت تے پاپ توں اُتے اٹھدے آں تے اسی اسمان توں نکلن والے سکون تے روحانی شعور تیکر اپڑ سکدے آں، جید اشارہ رب دی دعا وچ کیتا گیا اے تے جیہڑی فوراً بیمار نوں شفا دیندی اے۔

ایتھے مینوں رب دی دعادی حاصل ہونے والی روحانی سمجھ نوں واضح کرن دیو:

اے ساڈے پیو توں جیہڑا اسمان اُتے ایں،

اے ساڈے مادر پد پپو، قادر ہم آہنگ

تیرا نام پاک منیا جاوے۔

ستائش دے قابل

تیری بادشاہی آوے۔

تیری بادشاہی آگئی اے، توں ازلی ایں۔

تیری مرضی جیویں اسمان اُتے پوری ہندی اے دھرتی اُتے وی ہووے۔

جیویں اسمان اُتے اے دھرتی اُتے وی ساہنوں ایہہ جانن دے قابل بنا پئی
رب قادر مطلق، اعلیٰ اے۔

ساڈے روزدی روٹی اج ساہنوں دے؛

اج لئی ساہنوں فضل دے؛ پیار دے پگھیاں نوں رجھا؛

ساڈے قصور ساہنوں معاف کر جیویں اسی دو جیاں دے قصور معاف کر دے آں۔

تے پیار، پیار وچ منعکس ہندا اے؛

تے ساہنوں ازمانش وچ نہ پین دے بلکہ بریائی توں بچا؛

تے رب ساہنوں ازمانش وچ نہیں پاؤندا، بلکہ ساہنوں پاپ، بیماری تے موت
توں بچاؤندا اے۔

کیوں جے بادشاہت، قدرت تے جلال ہمیشہ تیکر تیرے نیں۔

کیوں ہے رب لا محدود، قادر مطلق، پوری حیاتی، سچائی، پیار، ہر اک اُتے تے
ساریاں اُتے حاکم اے۔

روزانہ دے فرض

میری بیکرا ایڈی دلوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچائی، حیاتی تے
پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار
نوں ودھاوے، تے اوہناں اُتے حکومت کرے۔

چرچ مینوسیل، آرٹیکل VIII، سیکشن 4۔

مقصداں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصداں یا کماں اُتے اثر نہیں کرنے چاہیدے۔
سائنس وچ، بس الہی پیار ای حکومت کردا اے، تے اک مسیجی سائنسدان پاپ نوں رد کردیاں ہوئے، سنجی پراہ بندی،
خیرات پسندی تے معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکنان نوں

سارے پاپاں توں، غلط طراں دیاں پیشن گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین
توں آزاد رہن لئی ہر روز خیال رکھنا چاہیدا اے تے دعا کرنی چاہیدی اے۔

چرچ مینوسیل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے
رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں
اوہدا انصاف ہووے گا، اوہ بے قصور یا قصور وار ہووے گا۔

چرچ مینوسیل، آرٹیکل VIII، سیکشن 6۔